

ցաւ ծուկն տեղոյն, եւ եղել իբրեւ զլեղի դառն մինչեւ ցայսաւր ժամանակի. եւ ոչ ոք որսաց զնա մինչեւ ցայսաւր ժամանակի: 10 Բազում եւ այլ զաւրու-թիւնս առնէր եւ նշանս անչափս:

11 Իբրեւ բազում կարգս ուղղութեան թողոյր ի գաւառսն յայնսփկ սուրբն Եպիփան, իսկ նա էառ ընդ իւր զաշակերտսն իւր արս միանծունս լեռնականս անապատականս, արս հինգ հարիւր, երթալ զնալ յերկիրն Յունաց: 12 Եւ մինչ դեռ երթային, ի ճանապարհին դիպեցաւ նոցա կին մի. իբրեւ անցին ընդ կիսն, սկսաւ փորձել զնոսա Եպիփան, ասէ. Իբրեւ՝ զի՛ գեղեցիկ էր կինն եւ վայելուչ: 13 Ասէ մանուկ մի յաշակերտաց անտի. Կինն, զոր դու գովեցեր, միականի էր: 14 Եւ ասէ սուրբն Եպիփան. Դու բնաւ ընդէ՞ր նա-յեցար տեսանել զերեսս նորա. տեսանէ՞ս զի խորհուրդք չարք կան ի քեզ: 15 Եւ անդէն մեկնեաց զմանուկն յիւրմէ, եւ հալածեաց զնա: 16 Եւ ինքն չոգաւ եմուտ ի ծով մեծ, եւ նաւաւք անցին յանապատ ի կղզիս. եւ ունէր զկղզին զայն աւձից բազմութիւնք, եւ էին յայնմ կղզւոջ բնակեալ աւծք իծք եւ քարք, բազում գազանք դաժանք թունաւորք: 17 Եւ եղել իբրեւ չոգան, ե-հաս սուրբն Եպիփան ի կղզին յայն, մերժեցան անտի գազանքն, եւ թողին զկղզին եւ զնացին²: 18 Եւ այնուհետեւ ոչ ինչ վնաս եղել նոցա ի կղզւոջն յայնմիկ, այլ բնակեցան անդ խաղաղութեամբ: 19 Անդ եկեաց սուրբն Եպիփան, անդէն ի նմին կղզւոջ հանգեաւ:

ԳԼՈՒԽ ԻԸ.

1 Յաղագս մեծամեծ նշանացն եւ սքանչելեացն, որ երեւեցաւ յԱստուծոյ ի Մամբրէ յետ զնալոյն Եպիփանու:

2 Ապա իբրեւ զնայր սուրբն Եպիփան ի գաւառէն Ծովաց յիւրմէ միանծ-նանոցէն՝ որ անուանեալ կոչի Մամբրէ³, եթող անդ բազում եղբարս միա-բանս միահաւասնս հաւատացեալս կրանաւորս քրիստոնէիցն, լեռնա-կանս ճգնաւորս միանծունս. եւ ի վերայ նոցա երեց մի գլխաւոր: 3 Բայց էին ի նոցանէ ոմանք, որ բնաւ ամենեւին այլ ինչ կերակուր չէր ճաշակեալ նոցա ի մանկութենէ իւրեանց, բայց լոկ բանջար եւ ջուր. եւ զհամ գինւոյ գիտէին ոչ զհարդ լինի⁴:

4 Եւ էր անդ եղբայր մի խստակրան, որ մթին վարս վարէր. եւ ոչ ճաշա-կեր ամենեւին ի բաժակէն կենարար փրկութեանն յուսոյն յարութեանն, այս ինքն յարենէն Տեառն մերոյ Յիսուս Քրիստոսի: 5 Չի ոչ կարէր հաւատալ՝ թէ

1 *Օրինակ մի՝* վաշ զի գեղեցիկ

2 *Յօրինակի միում՝* եւ աղօթիւք հալածեաց զամենայն, եւ ոչ մի երեւեր. այլ բնակեցան անդ խաղաղու-թեամբ. եւ եկաց ի նմին կղզւոջ եւ հանգեաւ ի Քրիստոս

3 *Օրինակ մի՝* յիւրմէ խցէ, եթող անդ բազում եղբարս

4 *Օրինակ մի չունի՝* եւ զհամ գինւոյ գիտէին ոչ զհարդ լինի